



DEO OPTIMO MAX.
UNI ET TRINO,

VIRGINI DEI-PARÆ, ET S. LUCÆ
Orthodoxorum Medicorum Patrono.

QUÆSTIO MEDICO-CHIRURGICA,

QUOD LIBETARIIS DISPUTATIONIBUS
*manè discutienda in Scholis Medicorum, die Jovis decimâ-tertiâ
mensis Aprilis. Anno Domini M. DCC. LII.*

M. MICHAËLE PROCOPE-COUTEAUX,
Bibliothecæ Facultatis Præfecto, Doctore
Medico, Præside.

*An simplicia pulmonum vulnera acie facta, solis Diatâ
& vene sectione sanentur?*

I.



ULMO, præcipuum corporis nostri
organum, velut machinæ libramen-
tum spectetur. Vitiato ipsius motu,
vitiatur & cordis motus, vitiatur san-
guinis circulatio, vitiantur functiones omnes.

A.

2

Ipsi infictum vulnus sin lethale, saltem periculo-
sissimum. Impossibilis externa curatio. Elegantio-
riobus digitis non datur aditus. Irrita sunt cu-
juscunque generis topica. Inutilis ipforum-met
Chirurgorum celebrata dexteritas, non manu,
non oculo, sed consilio opus est.

I I.

QUÆ instrumentis secantibus infliguntur
vulnera, periculi minùs portendunt, ac
quæ causam habent catapultam, sclopetumve
quodlibet. Ubi nulla adest partium dilaceratio,
ubi nulla substantiæ deperditio, exulat jam sup-
puratio. Id unum intendant Medicus, ut citam
coagmentationem obtineat, solutumque adunet.
Licet structa sit divinitus pulmonum substantia;
licet aptissimi sint pulmones subeundo muneri
ipsis ab Autòre Deo impositò; iisdem tamen quoàd
essentiam, partibus constant, ac molles aliæ cor-
poris partes; membranis videlicet quæ venas &
arterias utriusque generis, demùmque nervos
obvolvunt. Ergone, si secti sint, peculiarem sibi
curationem expostulant.

I I I.

PARTIUM coagmentatio opus naturæ &
arcanum. Munere suo fungi nusquam re-
cusat benigna illa mater. Qui ipsam à proposito
deterreant, si qui sint, removendi tantùm obices.
Hos inter præcipui eminent *Plethora*, inflamma-
tio, *dispnæa*, tussis importuna, febris, spirituum

animalium motus irâ vel timore perturbatus, succorum crassities & acrimonia. Quæras ergo quibus auxiliis solidorum quieti possis consulere; humorum effervescentiam compescere, spirituum animalium motus sedare, fluida emendare. In promptu sunt venæ sectio & diæta.

IV.

VENÆ sectione deplentur vasa, parcio- rem sanguinis copiam propellunt cor & arteriæ, minorem experiuntur renixum, minor itaque parietum distensio, evanescit, si quis adest *Eretismus*, relaxantur fibræ, ad sese invicem accedunt, ipsarum quâcumque acie sectæ junguntur extremitates, & naturâ duce conglutinantur. *Diæta* nomine, non omnium intelligas alimentorum abstinentiam, quin immò; sed ea seligas quæ simul medicamenta sunt & alimenta. Sint diluentia, levia, lenientia; his tùm solidorum, tùm fluidorum compescitur motus, spiritus animales sedantur, edulcorantur sanguis & lymphæ, denique obtineatur gluten ad partium coagmentationem necessarium.

V.

MITTAS ergo thecam aperire; abstinere à specillo, nunc quid prodest? Perniciosum est curiositatis instrumentum. In thoracem si fluxerit sanguis, præscribatur *Empyematis* operatio, vel dilatetur externum vulnus; alioquin illud penicillo obfera, ne penetret aer. Habitâ virium & symptomatum ratione iterùm & sæpius celebrentur venæ

sectiones, eas si comitetur diæta, punctum Archimedis attingisti; nec te pudeat. Conquerantur, ignara plebs, mulierculæ exhaustas ægrotantis vires, fustumque largâ manu cruorem; sine ipsas vociferari, age: quisque suam exercere debet artem.

*Ergò simplicia pulmonum vulnera acie facta,
sôlis Diætâ & venæ sectione sanantur.*

DOMINI DOCTORES DISPUTATURI:

<i>M. Joannes-Franciscus Paris.</i>	<i>M. Ludovicus-Gabriel Dupré</i>	<i>M. Josephus de Jus- sieu, Regiæ Scientia- rum Academia So- cius.</i>
<i>M. Dionysius-Claudius Doulce,</i>	<i>M. Antonius Petit, in Matronarum Gra- tiam Anatomæ & artis Obstetriciæ Pro- fessor, & Chirurgiæ Professor designatus.</i>	<i>M. Achilles - Franci- cus Fontaine.</i>
<i>M. Bartholomeus-Tu- sanus le Clerc, Me- dicus Regis ordina- rius.</i>	<i>M. Stephanus Pour- four du Petit.</i>	<i>M. Joannes-Baptista- Ludovicus Chomel, Medicus Regis ordi- narius.</i>

Proponebat Parisiis PETRUS-ABRAHAMUS PAJON DE
MONCETS, B læsus, Saluberrimæ Facultatis Medicinæ
Parisiensis Baccalaureus, A. R. S. H. 1752,
A SEXTA AD MERIDIEM.